



პაციენტის და მომვლელის სწავლება

აუტოლოგიური ღეროვანი უჯრედების ტრანსპლანტაციის შემდეგ სახლში დაბრუნება

ეს ინფორმაცია დაგეხმარებათ მოემზადოთ სახლში დაბრუნებისათვის თქვენი აუტოლოგიური ღეროვანი უჯრედების ტრანსპლანტაციის შემდეგ.

ამ ინფორმაციის წაკითხვისას, ამოიწერეთ ან მონიშნეთ ადგილ(ებ)ი, სადაც შეკითხვები გაგიჩნდებათ. ეს დაგეხმარებათ შემდეგ ჯერზე თქვენს ტრანსპლანტაციის გუნდთან დასასმელი კითხვ(ებ)ის შესხენებაში.

სახლში წასვლამდე

სახლში დაბრუნებამდე, მნიშვნელოვანია, რომ თქვენ და თქვენი მეურვე მოემზადოთ ამ გადასვლისთვის. ჯანმრთელობის შესანარჩუნებლად და ინფექციის პრევენციისათვის, ჯერჯერობით დაგჭირდებათ სიფრთხილის ზომების დაცვა. მნიშვნელოვანია, რომ მონაწილეობა მიიღოთ თქვენი სახლში მოვლის დაგეგმვის პროცესში. სანამ წახვალთ, თქვენი

ტრანსპლანტაციის გუნდი თქვენთან ერთად შეიმუშავებს თქვენი შემდგომი მოვლის გეგმას.

თქვენი რეაბილიტაციის ფაზა საკმაოდ დიდ პერიოდს გასტანს — თქვენი ტრანსპლანტაციის შემდეგ განერიდან 1 წლამდე (ან მეტ ხანს). მნიშვნელოვანია გახსოვდეთ, რომ თქვენი სისხლის ანალიზი ნორმის ფარგლებს შეიძლება დაუბრუნდეს, მაგრამ თქვენი იმუნური სისტემა მაინც ძალიან სუსტი იქნება.

ჯანმრთელობისთვის და ინფექციის პრევენციისათვის, თქვენ მაინც დაგჭირდებათ მედიკამენტების მიღება და სიფრთხილის ზომების დაცვა.

ამ ფაზის განმავლობაში შესაძლოა გამოვლინდეს ზოგიერთი გართულება, განსაკუთრებით ისეთი, რომელიც თქვენს ორგანოებს ეხება. ეს შეიძლება მაშინაც მოხდეს, თუ აღნიშნული პრობლემა მანამდე არასოდეს გქონიათ.

აქ მოცემული დროის ფარგლები ზოგად რეკომენდაციებს წარმოადგენს. თქვენმა ტრანსპლანტაციის გუნდმა შესაძლოა უფრო ზუსტი დროის ფარგლები დაგიდგინოთ.

სამედიცინო განგაშის აქსესუარი

ჰოსპიტალის დატოვებამდე, თქვენ უნდა შეუკვეთოთ სამედიცინო განგაშის სამაჯური ან ყელსაბამი. ამაში თქვენი ტრანსპლანტაციის გუნდი დაგეხმარებათ.

სამედიცინო განგაშის აქსესუარების კომპანიების მაგალითია MedicAlert® (www.medicalert.org) და ROAD iD (www.roadid.com).

თქვენს სამაჯურზე ან ყელსაბამზე უნდა იყოს ამოტვიფრული ფრაზა „აუტოლოგიური ღეროვანი უჯრედების ტრანსპლანტაცია“ და “დასხივებული უჯრედული სისხლის კომპონენტები და CMV-უსაფრთხო სისხლის კომპონენტები მხოლოდ.” ეს დაეხმარება პარამედიკებს ან ჰოსპიტალის პერსონალს იცოდნენ როგორ მოიქცნენ, თუ თქვენ რაიმე შეგემთხვევათ და თქვენ თვითონ ვერ შეძლებთ მათთვის თქმას.

სახლში წასვლა

მიუხედავად იმისა, რომ შეიძლება გრძნობდეთ თავს ძალიან ბედნიერად და მზად იყოთ სახლში წასასვლელად, შესაძლოა მაინც ღელავდეთ. თქვენი განერის თარიღის მოახლოვებასთან ერთად გარკვეული მღელვარება და შფოთვა ნორმალურია. სახლში თქვენ და თქვენმა ოჯახის წევრებმა უნდა მართოთ თქვენი მოვლის საკითხები. ამისთვის თავდაჯერებულობისა და კომფორტის შეგრძნების მისაღწევად შესაძლოა გარკვეული დრო დასჭირდეს. შემონმების ვიზიტებისას, თქვენი სოციალური მუშაკი დაგეხმარებათ მიიღოთ თქვენთვის საჭირო მომსახურება და ემოციური მხარდაჭერა.

სახლში წასვლის შემდეგ, გარკვეული დრო დაგჭირდებათ, რომ კვლავ შინ ცხოვრებას მიეჩვიოთ. შეიძლება აღმოაჩინოთ, რომ ის, რაც ჯანმრთელობის შენარჩუნებაში გინყობთ ხელს, გარკვეულ სტრესს მატებს თქვენს ცხოვრებას. დროთა განმავლობაში წონასწორობისა და კომფორტის შეგრძნება ისევ დაგიბრუნდებათ. ეცადეთ შეძლებისდაგვარად შეინარჩუნოთ სიმშვიდე და თავდაჯერებულობა.

ტრანსპლანტაციის შემდეგ თქვენი რეაბილიტაცია თანდათანობით მოხდება. გარკვეული დროის მანძილზე ალბათ ვერ იგრძნობთ თავს ისევე, როგორც თავს დაავადებამდე გრძნობდით. შესაძლოა თავს დაღლილად და სუსტად გრძნობდეთ, მადა შეგიმცირდეთ და გემოსა და ყნოსვის ცვლილებები შეამჩნიოთ. ენერჯისა და იმ აქტივობებზე დასაბრუნებლად, რომლითაც დაავადებამდე და ტრანსპლანტაციამდე სიამოვნებით იყავით დაკავებული, გარკვეული დროა საჭირო.

ინფექციის პრევენცია

ტრანსპლანტაციის შემდეგ იმუნური სისტემის აღდგენას დაახლოებით 3-დან 12 თვემდე სჭირდება. ტრანსპლანტაციის შემდგომი პირველი ერთი წელი ჩვილის ცხოვრების პირველ წელს გავს. ამ დროის განმავლობაში, თქვენ ინფექციის რისკის ქვეშ ხართ.

თქვენი ტრანსპლანტაციის გუნდი შეამოწმებს თქვენს სისხლის ანალიზებს, რათა ნახონ თუ როგორ მუშაობს თქვენი იმუნური სისტემა. თქვენი სისხლის ანალიზის მიხედვით ისინი შეიტანენ ცვლილებას ან დანამატს ქვემოთ მოცემულ რეკომენდაციებში.

აქ თქვენ იხილავთ რამდენიმე ზოგად რეკომენდაციას ინფექციისგან თავის ასარიდებლად:

- ხშირად დაიბანეთ ხელები ანტიბაქტერიული საპნითა და წყლით ან გაინმინდეთ ხელის სადებიზინფექციო საშუალებით სპირტის საფუძველზე.
- მოერიდეთ ადამიანებს, რომლებიც ავად არიან ან ცოტა ხნის წინ იყვნენ ავად.
- საჯარო სივრცეში ან უცხო ადამიანების გარემოცვაში ატარეთ პირბადე (თუ ამას თქვენი ტრანსპლანტაციის გუნდი გთხოვთ).

ინფექციის ნიშნები შეიძლება იყოს შემდეგი.

დაუყოვნებლივ დაურეკეთ თქვენს ექიმს, თუ თქვენ:

- გაქვთ ტემპერატურა 100.4 °F (38.0 °C) ან მეტი.
 - არ მიიღოთ აცეტამინოფენი (ტაილენოლი®), თუ ამას თქვენი ჯანდაცვის პროვაიდერი არ დაგინიშნავთ.
 - არ გჭირდებათ ტემპერატურის ყოველდღიურად

გაზომვა. მაგრამ, რეგულარულად გადაამოწმეთ თუ თავს კარგად არ იგრძნობთ.

- განითლებული (წითელი, სითბოს შეგრძნებით) კანი, ოფლიანობა, ან შემცივნებით გამოწვეული კანკალი.
- ხველა, ცემინება, ცხვირიდან გამონადენი, ქოშინი ან დისკომფორტი გულ-მკერდის არეში.
- სინითლე, ოფლიანობა ან ყელის, თვალების, ყურების, კანის, სახსრების ან აბდომინდალური (მუცლის) ტკივილი.
- ბუნდოვანი მხედველობა ან სხვა ცვლილებები თქვენს მკაფიოდ ხედვის უნარში.
- ხშირი ურინაცია (შარდვა), შარდვის დროს წვის შეგრძნება ან ორივე.
- სწორი ნაწლავის გაღიზიანება, მათ შორის წვისა და ტკივილის შეგრძნება.
- გამონაყარი.
- პირის ან თქვენი სხეულის ნებისმიერ სხვა ადგილზე პატარა წყლულების მსგავსი ბუშტუკები.
- არხიანი გულმკერდის კათეტერის ჩარეცხვის პრობლემა, ასეთის არსებობისას.
- არხიანი გულმკერდის კათეტერის ჩარეცხვისას შემცივნება, ასეთის არსებობისას.

სანამ თქვენი იმუნური სისტემა ნორმას დაუბრუნდება,

ვირუსები უფრო ადვილად შეიძლება დაგემართოთ. ერთ-ერთი ასეთი ვირუსია, ჩუტყვავილა და ჰერპესი. თუ თქვენ ჩუტყვავილა ან ჰერპესი დაგემართათ, დაუყოვნებლივ დაუკავშირდით თქვენს ტრანსპლანტაციის ექიმს ან ექთანს. ასეთ შემთხვევაში, თქვენ დაგჭირდებათ ექიმთან ვიზიტი, რომ მათ ნახონ მკურნალობა ხომ არ გჭირდებათ.

ასევე შესაძლებელია, რომ ხელახლა გაგიაქტიურდეთ წარსულში არსებული ვირუსები. მაგალითად, ვირუსი რომელიც იწვევს ჩუტყვავილას და ჰერპესს შესაძლოა ხელახლა გააქტიურდეს, თუ თქვენ ის ბავშვობაში გქონიათ. ხშირად ეს თქვენს კანზე მტკივნეული გამონაყარით ან სითხით სავსე ბუშტუკებით იწყება. თუ ბუშტუკები გაგიჩნდათ, ისინი შეიძლება იყოს პატარები ან ფანაქარის საშლელივით მსხვილები. ისინი შესაძლოა იყოს მტკივნეული, ქავილის ან წვის შეგრძნებით. რომელიმე ამ სიმპტომის გამოვლენისას, დაუყოვნებლივ დაურეკეთ თქვენს ექიმს ან ექთანს, რომ შესაბამისი მკურნალობა მიიღოთ.

მას შემდეგ რაც იმუნური სისტემა აღდგება, თქვენ დაიწყებთ ბავშვობაში ჩატარებული ვაქცინების მიღებას. ამას როგორც წესი ტრანსპლანტაციიდან 1 წელი სჭირდება, მაგრამ ტრანსპლანტაციის გუნდი განსაზღვრავს თქვენთვის შესაბამის დროს.

თქვენი დაინფიცირების შანსების შესამცირებლად გარკვეული ზომების მიღება შეგიძლიათ. ქვემოთ, გარკვეულ მითითებებს იხილავთ, რომლებიც უნდა დაიცვათ. თქვენი ტრანსპლანტაციის გუნდი მეტ მითითებებს მოგცემთ ან ცვლილებას შეიტანს ქვემოთ მოცემულ რეკომენდაციებში. ყოველთვის გაითვალისწინეთ თქვენი ტრანსპლანტაციის გუნდის მითითებები.

პირადი ჰიგიენა

თქვენი ტრანსპლანტაციის რეაბილიტაციის პერიოდში, ძალიან მნიშვნელოვანია პირადი ჰიგიენის დაცვა. ეს ინფექციის თავიდან არიდებაში დაგეხმარებათ. მიჰყევით ქვემოთ მოცემულ რეკომენდაციებს.

- ყოველდღიურად მიიღეთ შხაპი ან აბაზანა.
 - გამოიყენეთ მსუბუქი საპონი, როგორცაა მაგალითად Dove® ან Caress®. არ გამოიყენოთ Ivory® ან დეოდორანტი საპნები. მათ შეიძლება თქვენი კანი გამოაშრონ.
 - დარწმუნდით, რომ მკლავებს და იღლიებს კარგად იბანთ.
 - გამოიყენეთ დასაბანი ღრუბელი და პირსახოცი, რომელიც მხოლოდ თქვენი პირადი მოხმარებისთვისაა.
 - თუ კანის სიმშრალე გაქვთ, არ გამოიყენოთ

ძალიან ცხელი წყალი. გამოიყენეთ საბავშვო ზეთი ან კანის დამატენიანებელი, მაგალითად, Eucerin® ან CeraVe®. წაისვით ის დაბანის შემდეგ, სანამ თქვენი კანი ჯერ კიდევ ტენიანია. თქვენი პირსახოცით ნაზად შეიმშრალეთ კანი. არ გამოიყენოთ სპირტის შემცველი ლოსიონი. ის კანს კიდევ უფრო მეტად გამოაშრობს.

- შეზღუდეთ პირდაპირი მზის სხივების ქვეშ ყოფნის დრო. ტრანსპლანტაციის შემდეგ თქვენი კანი უფრო მგრძობიარეა და შეიძლება უფრო ადვილად მიიღოს დამწვრობა. ამას შეიძლება თქვენს მიერ მიღებული მედიკამენტებიც დაემატოს.
 - მზეზე ყოფნისას, დაიცავით კანი სულ მცირე 30 SPF-ის მქონე მზის დამცავით. ხშირად დაიტანეთ განმეორებით.
 - თუ მზეზე 20 წუთი ან მეტი ხნით იქნებით, კანი ბამბის ნაჭრით დაიცავით და დამცავი ქუდი დაიფარეთ. მზეზე ხანგრძლივი დროით ყოფნამ შესაძლოა ასევე ხელახლა გაააქტიუროს ჰერპესული გამონაყარი (ჰერპეს სიმპლექსის ვირუსი).
- თქვენ შეგიძლიათ ატაროთ კონტაქტური ლინზები, მაგრამ დარწმუნდით, რომ გაკეთებამდე ის კარგად განმინდეთ. სანმენდი ხსნარი განმეორებით არ გამოიყენოთ. ვადის გასვლის შემდეგ სანმენდი

სითხე გადაღვარეთ. თუ თვალების სიმშრალე გაქვთ, გამოიყენეთ დამატენიანებელი წვეთები.

- თქვენ შეგიძლიათ მაკიაჟის გაკეთება, მაგრამ ტრანსპლანტაციის შემდეგ ახალი პროდუქტები შეიძინეთ.
- ახალი ფრჩხილები გაიზრდება თქვენი ძველი ფრჩხილების ნაცვლად. ეს თანდათანობით მოხდება, თქვენი ტრანსპლანტაციიდან 3-4 თვის შემდეგ. სანამ თქვენი იმუნური სისტემა აღდგენის პროცესშია, მანიკურსა და პედიკურს სალონში ნუ გაიკეთებთ. ეს სახლში შეგიძლიათ, თქვენი პირადი აღჭურვილობით გააკეთოთ.
- თუ არხიანი გულმკერდის კათეტერი ჯერ კიდევ გაქვთ, აბაზანის მიღებისას მას წყალში ნუ ჩაძირავთ. ნაიკითხეთ *About Your Tunneled Catheter* (www.mskcc.org/cancer-care/patient-education/about-your-tunneled-catheter) მეტი ინფორმაციისათვის.
- ტრანსპლანტაციის შემდეგ სხეულზე პირსინგები და ტატუები არ გაიკეთოთ. ეს გაზრდის ჰეპატიტისა და სხვა ინფექციების რისკს.

თმების ზრდა როგორც წესი ტრანსპლანტაციიდან დაახლოებით 3 თვის შემდეგ დაიწყება. შესაძლებელია, რომ თმის ხარისხი შეიცვალოს. მიუხედავად იმისა, რომ იშვიათია, ტრანსპლანტაციის შემდეგ თვეების ან

წლების შემდეგ შესაძლოა თმის ცვენა დაგეწყოს.

პირის ღრუს მოვლა

პირის ღრუს მოვლა იმავე გზით განაგრძეთ, როგორც ამას ჰოსპიტალში აკეთებდით. თქვენი ჯანდაცვის გუნდი შეგატყობინებთ, თუ როდის შეძლებთ განსაკუთრებით რბილი კბილის ჯაგრისის გამოყენებას. ეს მოხდება მაშინ, როდესაც თქვენი ნეიტროფილების აბსოლუტური რაოდენობა (ANC) 500-ზე მეტი (ზოგჯერ 0,5-ად წოდებული) და თქვენი თრომბოციტების რაოდენობა 20,000 (ზოგჯერ 20-ად წოდებული) ან მეტი იქნება.

დაეკითხეთ თქვენს ექიმს ან სტომატოლოგს, თუ როდის შეძლებთ კბილების გახეხვას სტანდარტული ჯაგრისით და ფლოსების გამოყენებას.

თუ პროთეზს ატარებთ, შეინარჩუნეთ ის სუფთა მდგომარეობაში, რომ ინფექცია თავიდან აირიდოს. ჩაალბეთ ყოველდღიურად ნებისმიერი ტიპის პროთეზის სანმენდ საშუალებაში. გამოიყენეთ პროდუქტზე არსებული მითითებები. შემდეგ, გაავლეთ გამდინარე წყალში. ტრანსპლანტაციის შემდეგ შესაძლოა თქვენს პროთეზს ხელახალი მორგება დასჭირდეს.

თუ რომელიმე თქვენი მედიკამენტი პირის ღრუში სავლეს წარმოადგენს, გამოვლებამდე ან

გამოყენებამდე მოიხსენით პროთეზი. ეს დაეხმარება მედიკამენტებს უკეთ მუშაობაში და თქვენს პირის ღრუს ხელახალი ინფექციისგან დაიცავს. შეატყობინეთ თქვენს ექიმს ან ექთანს თუ პირის ღრუში ტკივილს ან დისკომფორტს იგრძნობთ.

ტრანსპლანტაციის შემდეგ 3-4 თვე შეიძლება პირის სიმშრალე გქონდეთ. არ გამოიყენოთ კომერციულად ხელმისაწვდომი სპირტის ბაზაზე შექმნილი პირის ღრუს სავლები ან წყალბადის ბეჭანგი. ისინი გააშრობს და გააღიზიანებს თქვენს პირის ღრუს. ამის ნაცვლად, გაიკეთეთ მსუბუქი მარილიანი წყლის სავლები. მოამზადეთ შემდეგი შერევით:

- 1/2 ჩაის კოვზი მარილი
- 1/2 ჩაის კოვზი საცხობი სოდა
- 8 უნცია წყალი

თქვენმა სტომატოლოგმა შეიძლება სხვა სავლები დაგინიშნოთ. დაბალი შაქრის შემცველობის კანფეტების ან აბების წუნნაც შეიძლება დაგეხმაროთ.

ტრანსპლანტაციის შემდეგ თქვენი სანერწყვე ჯირკვლები შეიძლება არ იყოს საკმარისად ძლიერი პირის ღრუდან ბაქტერიების მოსაშორებლად. ეს ზრდის კარიესის რისკს. გამოიყენეთ ფტორის შემცველი კბილის პასტა. მას შემდეგ რაც თქვენი პირის ღრუ

გამოჯანმრთელობა და ძალიან მშრალი აღარ იქნება, თქვენ შეგიძლიათ ფტორის შემცველი სავლებიც გამოიყენოთ. დაახლოებით 1 წუთის მანძილზე გამოივლეთ პირის ღრუს სავლები და შემდეგ გადმოღვარეთ. არ ჩამოიბანოთ.

არხიანი კათეტერის მოვლა

თქვენი არხიანი კათეტერის სუფთა მდგომარეობაში შენარჩუნება ჰოსპიტალის დატოვების შემდეგაც ისეთივე მნიშვნელოვანია, როგორც ეს ჰოსპიტალში ყოფნისას იყო. თუ ჰოსპიტალიდან არხიანი კათეტერით წახვალთ, თქვენი ექთანი გასწავლით თუ როგორ უნდა მოუაროთ მას სახლის პირობებში. თქვენ გექნებათ საშუალება ივარჯიშოთ ამაზე ექთნის მეთვალყურეობის ქვეშ.

დაუყოვნებლივ დაურეკეთ ექიმს თუ თქვენ:

- გაქვთ სინითლე, შეშუპება ან გამონადენი სხეულის იმ ნაწილში, სადაც კათეტერია მოთავსებული
- თქვენი უნემსო კონექტორი ჩამოვარდა
- გაქვთ 100.4 °F (38 °C) ან უფრო მაღალი ტემპერატურა და გამცივნებით
- გაგებზარათ ან ჟონავს კათეტერი
- კათეტერთან დაკავშირებით გაუგებარი პრობლემა გაქვთ

თქვენი სახლის გარემო

- ეცადეთ სახლი მაქსიმალურად სუფთად და მტვერის გარეშე შეინარჩუნოთ. მაგრამ, ნუ გადააჭარბებთ. მაგალითად, ნუ გადაღებავთ კედლებს ან ახალ იატაკს ნუ დააგებთ.
- ნუ იქნებით რემონტის და მშენებლობის სიახლოვეს, სანამ თქვენი ტრანსპლანტაციის გუნდი ამის ნებას არ დაგრთავთ. მათ შორის, რომლებიც ჯერ დაუსრულებელია და რომელიც გასული 3 თვის განმავლობაში დასრულდა.
- მოერიდეთ ნესტიან ადგილებს, სადაც ობი შეიძლება წარმოიქმნებოდეს, როგორცაა მაგალითად ნესტიანი სარდაფი. თქვენ შეგიძლიათ, თუმცა ეს არ არის სავალდებულო, გამოიყენოთ სახლში ჰაერის ფილტრაციის სისტემა.
- არ გამოიყენოთ ჰაერის დამატენიანებელი. ასეთ გარემოში ბაქტერიები და ობი უფრო ადვილად იზრდება. წყლით სავსე თასი გათბობის წყაროს სიახლოვეს ზამთრის პერიოდში სრულიად საკმარისია. თუ ასე მოიქცევით, წყალი ყოველდღიურად გამოცვალეთ.
- ზოგადად, ეცადეთ ტრანსპლანტაციიდან პირველი 3 თვის განმავლობაში არ აწარმოოთ სამუშოები, როგორც არის დალაგება და დამტვერსასრუტება.

თქვენი ენერჯის დონის მიხედვით, მისაღებია რომ საჭმელი მოამზადოთ, ჭურჭელი გარეცხოთ ან დააუთაოთ.

- ძალიან სუფთად შეინარჩუნეთ სააბაზანო ოთახი, განსაკუთრებით კი აბაზანა და უნიტაზი. დარწმუნდით, რომ ის რეგულარულად სადებიზინფექციო საშუალებით ინმინდებოდეს. უკეთესია, თუ სხვა დააღაგებს.
- ფრთხილად გარეცხეთ თქვენი ჭურჭელი, პირსახოცები და თეთრეული. არ არის საჭირო, რომ ის სხვა საყოფაცხოვრებო სარეცხისგან ცალკე გარეცხოთ.
 - სრულყოფილად გარეცხეთ ყველა ჩანგალი, კოვზი და დანა ცხელი წყლითა და ჭურჭლის სარეცხი საშუალებით ან ჭურჭლის სარეცხ მანქანაში.
 - პირსახოცები კვირაში ორჯერ გარეცხეთ, თეთრეული კი კვირაში ერთხელ. გამოიყენეთ მხოლოდ საკუთარი, არა სხვა ოჯახის წევრების, პირსახოცები და გასამშრალელებელი ნივთები.
- სახლში შეგიძლიათ გქონდეთ ოთახის მცენარეები. მაგრამ, ტრანსპლანტაციიდან პირველი რამდენიმე თვის მანძილზე:
 - არ შეეხოთ ოთხის მცენარეების ნიადაგს, ხელთათმანისა და ნიღბის გარეშე.

- არ შეეხოთ ლარნაკში განთავსებულ ყვავილებს. ყოველდღიურად ლარნაკებში წყალი ვინმე სხვამ უნდა შეცვალოს.

შინაური ცხოველები

შინაურ ცხოველებს დაავადებების გადატანა შეუძლიათ. სანამ თქვენი იმუნიტეტი აღდგენის პროცესშია, მათ ინფექციის მნიშვნელოვანი რისკის განპირობება შეუძლიათ. თქვენ შეგიძლიათ გყავდეთ სახლში შინაური ცხოველები, მაგრამ უმჯობესი იქნება თუ მათთან ფიზიკური კონტაქტი არ გექნებათ. მაგალითად, არ აიყვანოთ ხელში შინაური ცხოველები. არ შეეხოთ ცხოველების ნერწყვს ან ფეკალიებს. თავი აარიდეთ ნაკბენებსა და ნაკანრებს.

თქვენი რეაბილიტაციის მანძილზე ნუ შეეხებით ფრინველებს, ხვლიკებს, გველებს, კუებს, ბაზუნებს ან სხვა მღრღნელებს. თუ თქვენ აკვარიუმი გაქვთ, რომლის განმეზღვრაც თქვენ გინევთ, დაიცავით საკუთარი თავი ხელთათმანების გამოყენებით.

თუ სახლში კატა ან ძაღლი გყავთ, მიჰყევით რეკომენდაციებს ქვემოთ, სანამ თქვენი ექიმი სხვა მითითებებს არ მოგცემთ.

- დარწმუნდით, რომ თქვენი შინაური ცხოველი დროულადაა აცრილი.

- ყოველწლიურად შეამოწმებინეთ თქვენი შინაური ცხოველების განავალი პარაზიტებზე.
- თუ კატა გყავთ, ყოველწლიურად შეამოწმეთ ის ლეიკემიასა და ტოქსოპლაზმოზზე.
- დაამუშვეთ თქვენი შინაური ცხოველი რწყილებზე. თუ თქვენი შინაური ცხოველი ტყიან ადგილას დადის, რწყილების სეზონზე ყოველდღიურად შეამოწმეთ ის რწყილებზე (მაისიდან ნოემბრამდე). გაესაუბრეთ თქვენი შინაური ცხოველის ვეტერინარს რწყილებისა და ტკიპების საყუდელს შესახებ.
- არ გამოცვალოთ კატის ქვიშა და არ განმინდოთ ძაღლის მოსაქმებული. სთხოვეთ სხვას ეს თქვენს მაგივრად გააკეთოს.
- შეძლებისდაგვარად შეეცადეთ შინაური ცხოველები სახლში ან თქვენს ბინაში დატოვოთ. ეს თავიდან აარიდებს მათ სხვა ცხოველებისგან დაავადების გადადებას.
- არ დააწვინოთ შინაური ცხოველები თქვენს ლოგინში.
- სახლს გარეთ, ეცადეთ თავი აარიდოთ ცხოველებთან კონტაქტს ფერმასა თუ ზოოპარკებში.

თუ ტრანსპლანტაციის შემდეგ შინაური ცხოველის აყვანა გსურთ, საუკეთესოა ჯანმრთელი ძაღლი ან კატა შეარჩიოთ, რომელიც 1 წელზე მეტი ასაკისაა. იყოს

სტერილიზებული ან კასტრირებული.

ოჯახის წევრები და ვიზიტორები

თქვენ შეგიძლიათ მჭიდრო ფიზიკური კონტაქტი გქონდეთ ახლო ოჯახის წევრებთან. თუმცა, ნუ იქონიებთ ახლო კონტაქტს გაციების მქონე ადამიანებთან ან ავადობის ნიშნის მქონე პირებთან. ატარეთ ნიღაბი თუ იმავე ოთხში უნდა იყოთ, სადაც ავადმყოფი ადამიანი იმყოფება. თქვენმა ოჯახის წევრებმა და ახლო მეგობრებმა ყოველწლიური გრიპის ვაქცინაცია უნდა ჩაიტარონ.

თქვენ შეგიძლიათ მიიღოთ სტუმრები, მაგრამ შეზღუდეთ მათი რაოდენობა. ნუ ესტუმრებით მათ, ვინც:

- გაციებულია.
- აქვს ჩუტყვავილა.
- ახლახან გადაიტანა ჩუტყვავილა.
- ახლახანს გადაიტანა ჰერპეს სიმპლექსის ვირუსი (ვირუსი, რომელიც იწვევს წყლულოვან გამონაყარს და გენიტალიის წყლულებს).
- ახლახანს გადაიტანეს ჰერპეს ზოსტერის გამონაყარი.
- ახლახანს გადაიტანეს რაიმე სხვა ტიპის ვირუსი ან ინფექცია.
- ახლახანს მიიღეს ვაქცინა ცოცხალი ვირუსით,

როგორც არის მაგალითად ვარიცელა (ჩუტყვავილას ვირუსი) ან როტავირუსი. ასეთი ძალიან იშვიათია, მაგრამ თუ ვინმე თქვენს საყოფაცხოვრებო სივრცეში ასეთი შემთხვევაა, უთხრას მის ექიმს, რომ თქვენი იმუნიტეტი დათრგუნულია და რომ იმავე გარემოში ცხოვრობთ.

დაუყოვნებლივ დაურეკეთ თქვენს ექიმს, თუ თქვენ ან თქვენს ოჯახის წევრს გამოუვლინდება ჩუტყვავილა, ჰერპესული გამონაყარი, წითელა, ან გერმანული წითელა (წითურა).

თქვენი სახლის ფარგლებს გარეთ

რეგულარულად ისეირნეთ, თუმცა მოერიდეთ დაბინძურებულ ადგილებსა და მშენებლობებს. ფეხით სიარული შესანიშნავი გზა არის ძალისა და გამძლეობის დასაბრუნებლად. თუმცა, ტრანსპლანტაციის შემდეგ პირველი რამდენიმე თვე ეცადეთ მოერიდოთ შემდეგ ხალხმრავალ ტერიტორიებს:

- სუპერმარკეტებს
- სავაჭრო ცენტრებს
- კინოთეატრებს
- სკოლებს
- რესტორნებს

- საზოგადოებრივ ტრანსპორტს
- სალოცავ ადგილებს (როგორცაა ეკლესიები, სინაგოგები და მეჩეთები)

ასეთ ადგილებს შეგიძლიათ ესტუმროთ პიკის საათებს მიღმა, როდესაც ცოტა ხალხია.

მოერიდეთ საზოგადოებრივი ტრანსპორტით სარგებლობას (როგორც არის მატარებელი ან ავტობუსი) ტრანსპლანტაციიდან სულ მცირე 3 თვის განმავლობაში. ჩვენ გვესმის რომ თქვენ შესაძლოა დაგჭირდეთ ტაქსი, მანქანის მომსახურება ან სხვა სატრანსპორტო საშუალება შემონმების ვიზიტებზე მოსასვლელად. ჩვენ გირჩევთ ატაროთ ნიღაბი ასეთი მიზნით მგზავრობისას.

თქვენ შეგიძლიათ გაცუროთ ოკეანეში, მას შემდეგ რაც ძალებს აღიდგენთ და უფრო აქტიური გახდებით. ყურადღება მიაქციეთ ადგილობრივი ჯანდაცვის დეპარტამენტის შეტყობინებებს. თქვენ ასევე შეგიძლიათ კერძო აუზებში ცურვა, რომელზეც ხალხმრავლობა არ იქნება. დარწმუნდით, რომ აუზი ელორირებულია. არ იცუროთ ტბებში, მდინარეებში ან საზოგადოებრივ აუზებში, სანამ თქვენი იმუნური სისტემა არ აღდგება. არ იცუროთ სანამ არხიანი კათედერი გიკეთიათ.

თქვენი ექიმი გეტყვით, როდესაც ეს შეზღუდვები მოგეხსნებათ.

სისხლდენა

თრომბოციტები სისხლის ის უჯრედებია, რომელიც შედედებას უზრუნველყოფს და სისხლდენას მართავს. როდესაც თქვენი თრომბოციტების რაოდენობა ძალიან დაბალია, თქვენ სისხლდენის რისკის ქვეშ ხართ. თქვენ შეიძლება გაგწერონ თრომბოციტების დაბალი რაოდენობით. თქვენს სხეულში თრომბოციტების ნორმალურ რაოდენობაზე დაბრუნებას შესაძლოა კვირები ან თვეები დასჭირდეს. თქვენ შესაძლოა დაგჭირდეთ თრომბოციტების გადასხმა.

თრომბოციტების დაბალი რაოდენობის ნიშნები შეიძლება მოიცავდეს კანის ცვლილებას, სისხლდენას ან ორივეს. კანის ცვლილება შეიძლება მოიცავდეს სისხლჩაქცევებს ან პეტეჩიებს (peh-TEE-kee-ee). ეს არის პატარა, იისფერ-წითელი წერტილები თქვენს კანზე, რომელიც არ ქრება მასზე ზეწოლით. თქვენ შეიძლება შენიშნოთ ისინი ქვედა კიდურებზე ან ტერფის შიდა მხარეს. თრომბოციტების დაბალი რაოდენობის სხვა სიმპტომები შეიძლება მოიცავდეს სისხლდენას თქვენი ღრძილებიდან ან ცხვირიდან.

თუ თქვენ სახლში ამ სიმპტომებით წახვალთ და მათი რიცხვი ან სიხშირე მოიმატებს, დაუკავშირდით თქვენს

ექიმს. თუ თქვენ არ გქონიათ რომელიმე ამ სიმპტომთაგანი და ისინი უეცრად გამოვლინდება, დაურეკეთ თქვენს ექიმს. ეს შეიძლება ნიშნავდეს, რომ თქვენი თრომბოციტების რაოდენობა შეიცვალა.

თუ თქვენ გაქვთ დაზიანება, რომელიც იწვევს სისხლდენას, არ დაპანიკდეთ. სიმშვიდე შეინარჩუნეთ და მიჰყევით ქვემოთ მოცემულ რეკომენდაციებს დაზიანების ტიპის შესაბამისად.

- **ღია ჭრილობები:** თუ რაიმეს გაიჭრით, ჭრილობა გაიწმინდეთ, გაიმშრალეთ მშრალი საფენით, პირსახოცით ან ქსოვილით. მას მყარად დააჭირეთ. დააჭირეთ, სანამ სისხლდენა არ შეწყდება. თუ სისხლდენა არ შეჩერდება, ასწიეთ ჭრილობის ადგილი. მაგალითად, მკლავი ზემოთ ასწიეთ ან ფეხი მაღლა დადეთ. ჭრილობაზე ყინული დაიდეთ და თქვენს ექიმს დაურეკეთ.
- **ცხვირიდან სისხლდენა:** თუ ცხვირიდან სისხლდენა გაქვთ, დაჯექით და მსუბუქად წინ გადაიხარეთ. თავი უკან არ გადახაროთ. ცხვირის ძვალი ცერა და საჩვენებელ თითს შორის მოაქციეთ და დაახლოებით 10 წუთით მყარად გეჭიროთ. თუ სისხლდენა არ შეჩერდება, განაგრძეთ ხელის მოჭერა. ყინულის პატარა პაკეტი ცხვირის ძვალზე მოათავსეთ სანამ სისხლდენა არ შეჩერდება. თუ სისხლდენა 30 წუთზე

მეტხანს გასტანს, დაურეკეთ თქვენს ექიმს.

- უბედური შემთხვევა: თუ თქვენ უბედური შემთხვევა შეგემთხვათ, შესაძლოა დაგჭირდეთ სისხლი ან სისხლის პროდუქტები. ისინი უნდა დასხივდეს 3,000 რადიამდე. ეს იმისთვის არის, რომ გადასხმულმა სისხლმა არ გამოიწვიოს GVHD.
 - მუდმივად ატარეთ თქვენი MedicAlert აქსესუარი. ეს თქვენს მკურნალ ექიმს ამ ინფორმაციას გადასცემს.
 - თუ თქვენ სხვა ჰოსპიტალში მიგიყვანენ, ექიმმა უნდა დაურეკოს Memorial Sloan Kettering-ს (MSK) სისხლის პროდუქტებთან დაკავშირებული რეკომენდაციებისთვის.

თუ თქვენი თრომბოციტების რაოდენობა 50,000-ზე ნაკლებია (50), მიჰყევით ქვემოთ მითითებულ რეკომენდაციებს.

- გასაპარსად, ელექტრო საპარსი გამოიყენეთ.
- ღრძილებიდან სისხლდენის თავიდან ასაცილებლად, გამოიყენეთ რბილი კბილის ჯაგრისი ან ორალური ირიგატორი, როგორცაა მაგალითად WaterPic®. არ გამოიყენოთ დენტალური ფლოსები.
- არ გამოიყენოთ ასპირინი, ასპირინის შემცველი პროდუქტები ან არასტეროიდული ანთების

საწინააღმდეგო მედიკამენტები (NSAIDs) როგორცაა იბუპროფენი (Advil®) ან ნაპროქსენი (Aleve®). მეტი ინფორმაციისათვის, წაიკითხეთ თავი „მედიკამენტები, რომელიც თავიდან უნდა იქნას აცილებული“.

- შეგიძლიათ ცხვირი მოიხოცოთ, მაგრამ ძლიერად ნუ მოიხოცავთ.
- თუ ყაბზობა განუხებთ, დაურეკეთ თქვენს ექიმს. თქვენს დიეტაში შეიძლება დაგჭირდეთ მეტი ბოჭკოვანა ან განავლის დამარბილებელი.
- მოერიდეთ აქტივობებს ან სპორტის სახეობებს, რომლებსაც დაზიანების განპირობება შეუძლია. თუ აღნიშნულთან დაკავშირებით კითხვები ან ეჭვები გაქვთ, გაესაუბრეთ თქვენს ექიმს.

თქვენი აქტივობების განახლება

ყოველდღიური აქტივობები

ტრანსპლანტაციის შემდეგ თქვენი გამოჯანმრთელობისთვის საჭირო დრო განსხვავდება. ზოგადად, დაახლოებით 3 თვეს საჭიროებს, მაგრამ ასევე ნორმალურია ცოტა მეტი ან ნაკლები დრო.

ტრანსპლანტაციის შემდგომი დრო ნიშნავს უჯრედების აღდგენისა და ზრდის დროს. უჯრედები თქვენი პირის ღრუში, მუცელში, ნაწლავში, თმასა და კუნთებში კვლავ

გაიზრდება. ამისათვის კი კალორიები და ენერჯიაა საჭირო. შეიძლება თავი იმაზე მეტად დაღლილად იგრძნოთ, ვიდრე ელოდით. გახსოვდეთ, რომ ესთი დაღლილობა და სისუსტე ნორმალურია. ყოველ მომდევნო კვირას თავს უფრო ძლიერად იგრძნობთ.

თქვენი ტრანსპლანტაციიდან დაახლოებით 3 თვის შემდეგ თმები უფრო სწრაფად დაიწყებს ზრდას. თავს საკმარისად კარგად იგრძნობთ იმისთვის, რომ თქვენს ჩვეულ აქტივობებს დაუბრუნდეთ. ამის შემდეგ თქვენ თავს სულ უფრო და უფრო უკეთ იგრძნობთ. თუმცა, უმეტესი ადამიანებისათვის ტრანსპლანტაციის შემდგომ პირველი 2-3 თვიდან 1 წლამდე პერიოდი რეაბილიტაციის პერიოდად მიიჩნევა.

ვარჯიში

სავარაუდოდ, თქვენი ძალების დაბრუნებას გარკვეული დრო დასჭირდება. რეგულარული ვარჯიში შესაძლოა დაგეხმაროთ. ვარჯიში მსუბუქი სავარჯიშოებით დაიწყეთ. თქვენი ფიზიკური თერაპევტი დაგეხმარებათ სწორად შეარჩიოთ თქვენთვის საჭირო სავარჯიშოების ტიპი. როდესაც მზაობას იგრძნობთ, შეეკითხეთ თქვენს ექიმს, თუ როგორ შეგიძლიათ დატვირთვის გაზრდა.

ნუ ითამაშებთ კონტაქტურ სპორტს და ნუ ითხილამურებთ, სანამ თქვენი თრომბოციტების რაოდენობა 100,000-ს არ ასცდება (100). არ იცურაოთ,

სანამ არხიანი კათეტერი გიკეთიათ.

ჰობი

ზოგიერთი ჰობი, მაგალითად, ხეზე მუშაობა, ხატვა და მოდელების აწყობა, შესაძლოა ტოქსიკურ პროდუქტებს შეიცავდეს. ყოველთვის ისეთ ოთახებში იმუშავებთ, სადაც საკმარისი სუფთა ჰაერია. ფანჯრები ღია გქონდეთ. გამოიყენეთ არატოქსიკური საღებავები და ნებო. თუ გაქვთ კითხვები ან ეჭვობთ რომელიმე საქმიანობაზე დაბრუნებასთან დაკავშირებით, დაეკითხეთ ექიმს.

სკოლაში ან სამსახურში დაბრუნება

ყველაზე ადრე, როცა შეძლებთ სკოლაში ან სამსახურში დაბრუნებას არის ტრანსპლანტაციიდან 2-4 თვე. ეს დრო ინდივიდუალურია და ბევრ რამეზეა დამოკიდებული.

თქვენ შეიძლება გქონდეთ შეგრძნება, რომ მზად ხართ დასაბრუნებლად ან შეიძლება ღელავდეთ ამდენი ხნის არ ყოფნის შემდეგ დაბრუნებაზე. შესაძლოა ნელ-ნელა დაწყება დაგეხმაროთ. მაგალითად, დაიწყეთ ნახევარი დღით ან კვირაში 3 დღით. ადამიანთა უმრავლესობა გვეუბნება, რომ დაბრუნებაზე ფიქრი იმაზე ძნელი იყო ვიდრე რეალურად დაბრუნება.

თქვენს ჩვეულებრივ ცხოვრების რიტმში დაბრუნება შესაძლოა რთული იყოს. შესაძლოა დრო დაგჭირდეთ,

რომ თქვენს გარეგნობას მიეჩვიოთ. თმის ცვენა მაგალითად, ძალიან ბევრი ადამიანისათვის ძალიან მძიმეა. ან, შეიძლება სირთულეები გქონდეთ კონცენტრირებასთან და ყურადღების შენარჩუნებასთან. თქვენ შეიძლება ვერ შეძლოთ უნინდებური სიმშვიდის შენარჩუნება. თქვენი ტრანსპლანტაციის გუნდი გაგესაუბრებათ სკოლაში ან სამასახურში დაბრუნებაზე. თქვენ შეგიძლიათ გაესაუბროთ სოციალურ თამაშრომელს, ექთანს, თერაპევტს ან თქვენს ექიმს. ჩვენ შეგვიძლია ვიმუშაოთ თქვენთან ერთად, რათა გავამარტივოდ გადასვლის პროცესი.

მოგზაურობა

ტრანსპლანტაციიდან პირველი 3 თვის განმავლობაში, MSK-დან 1 საათის სავალ მანძილზე იყავით.

თუ თქვენ თვითმფრინავით მოგზაურობას გეგმავთ, გაესაუბრეთ თქვენი ტრანსპლანტაციის გუნდს.

თვითმფრინავით უსაფრთხო მგზავრობისათვის, თქვენ უნდა გქონდეთ თრომბოციტების საკმარისი რაოდენობა.

თუ თქვენ ქვეყნიდან გამგზავრებას გეგმავთ ტრანსპლანტაციიდან 2 წლის შემდეგ, გაესაუბრეთ თქვენს ტრანსპლანტაციის გუნდს. თქვენი დანიშნულების ქვეყნის შესაბამისად, შესაძლოა

რეკომენდებული იყოს სამოგზაურო მედიცინის ექსპერტთან შეხვედრა, რათა შეამციროთ საზღვარგარეთ ინფიცირების რისკი.

სექსუალური ჯანმრთელობა

სახლში წასვლამდე, დაეკითხეთ თქვენს ექიმს შეგიძლიათ თუ არა დაუბრუნდეთ სექსუალურ აქტივობებს. თქვენი და თქვენი პარტნიორისათვის მნიშვნელოვანია რომ შეკითხვებზე პასუხები მიიღოთ. თუ რამდენიმე ახალი შეკითხვა გაგიჩნდებათ, თქვენ შეძლებთ მათ განხილვას შემონმების ვიზიტებზე.

თავდაცვა სექსუალური აქტივობისას

სანამ თქვენი ექიმი არ გეტყვით, რომ სისხლის ანალიზი და იმუნური სისტემა წესრიგშია, მიიღეთ შემდეგ სიფრთხილის ზომები:

- სანამ თქვენი თრომბოციტების რაოდენობა 50,000-ზე ნაკლებია (50), ნუ იქონიებთ სექსს პენეტრაციით ან ლორწოვან შრესთან შეხებით. ეს მოიცავს ვაგინალურ, ორალურ და ანალურ სექსს ან თითებით, ვიბრატორებით ან სხვა სექსის სათამაშოებით თქვენს ვაგინასა ან ანუსში შეღწევას.
- ყვლა ჯერზე, როდესაც ვაგინალური, ორალური ან ანალური სექსი გექნებათ, გამოუყენეთ ლატექსის კონდომები. თუ ალერგია გაქვთ ლატექსზე,

გაესაუბრეთ თქვენს ჯანდაცვის პროვაიდერს. გახსოვდეთ, რომ არ იქონიოთ ვაგინალური, ორალური ან ანალური სექსი ან სექსი, რომელიც მოიცავს პენეტრაციას, მანამ სანამ თქვენი თრომბოციტების რაოდენობა არ ასცდება 50,000-ს (50).

- გამოიყენეთ დამცავი მონწყობილობები (კონდომები ან დენტალური სადები) ყოველთვის, როცა თქვენი პარტნიორის ვაგინალური სექრეცია ან სპერმა შესაძლოა თქვენს პირის ღრუში მოხვდეს.
- არ მიიღოთ მონაწილეობა რაიმე სახის სექსუალურ აქტივობაში, სადაც თქვენს პირს ფეკალიებთან შეიძლება ჰქონდეს შეხება.
- არ იქონიოთ სექსი, რომელიც ლორწოვან შრესთან კონტაქტს მოიცავს თუ თქვენ ან თქვენს პარტნიორს გაქვთ გენიტალური ინფექცია ან ფიქრობთ, რომ შეიძლება გქონდეთ.
- გამოიყენეთ ჩასახვის საწინააღმდეგო საშუალებები (კონტრაცეფცია), რათა არ დაფეხმძიმდეთ. თუ თქვენ გსურთ მომავალში დაფეხმძიმება, გაესაუბრეთ თქვენს ექიმს.

ჩახუტება, მიხუტება, ნაზი შეხება და კანზე კოცნა თქვენს პარტნიორთან ამ პერიოდის განმავლობაში ინტიმური ურთიერთობის სხვა ალტერნატივაა.

მკურნალობისას და მის შემდეგ სექსუალურად აქტიურად ყოფნასთან დაკავშირებით მეტი ინფორმაციის მისაღებად, წაიკითხეთ შემდეგი რესურსები:

- *Sex and Your Cancer Treatment* (www.mskcc.org/cancer-care/patient-education/sex-cancer-treatment)
- *Sexual Health and Intimacy* (www.mskcc.org/cancer-care/patient-education/sexual-health-and-intimacy)

თქვენ შეგიძლიათ მოიძიოთ ისინი ონლაინ ან შეეკითხოთ თქვენს ექთანს.

ამერიკის სიმსივნის საზოგადოებას (ACS) ასევე გააჩნია სიმსივნის მკურნალობის შემდგომ სექსუალური ცხოვრების შესახებ რესურსები. ის უფასოდ არის ხელმისაწვდომი თქვენი ადგილობრივი ACS-ისგან ან ACS-ის ვებგვერდზე ქვემოთ მოცემული ბმულიდან.

- [სექსი და ქალი სიმსივნით](#)
- [სექსი და ქალი სიმსივნით](#)

ინფორმაცია ქალბატონებისთვის

ტრანსპლანტაციის შემდეგ, თქვენ შესაძლოა გქონდეთ:

- შემცირებული მენსტრუაციის პერიოდები
- მენსტრუაციის ციკლის შეწყვეტა

- სიმშრალე და დისკომფორტი ვაგინასა და ვულვის არეში (თქვენი ვაგინის გარეთა მხარე)

ვულვოვაგინალური დამატენიანებელი დაგეხმარებათ ვაგინასა და ვულვის არეში სიმშრალისა და დისკომფორტის შეგრძნების დაძლევაში. ისინი არ შეიცავს ჰორმონებს და უმეტეს აფთიაქებსა და ინტერნეტში ხელმისაწვდომია რეცეპტის გარეშე. მაგალითად, E ვიტამინის კაფსულები, Replens[®], Hyalo GYN[®], და K-Y[®] Brand LIQUIBEADS[™]. ამ პროდუქტების მოხმარებამდე, გაესაუბრეთ თქვენს BMT ექიმს.

საცხი სექსუალური აქტივობისთვის, როგორც წესი თხევადი ან გელის ფორმით არის ხელმისაწვდომი. ისინი განკუთვნილია თქვენი საკუთარი საცხის ჩასანაცვლებლად, რათა მინიმუმამდე დაიყვანოთ სიმშრალე და ტკივილი სექსუალური აქტივობის დროს. თქვენ შეგიძლიათ მათი გამოყენება, რათა გახადოთ სექსუალური აქტივობა უფრო კომფორტული და სასიამოვნო. მაგალითად, Astroglide[®], K-Y Jelly, და Pjur[®] Woman and Bodyglide (სილიკონის ბაზაზე წარმოებული საცხები). მეტი ინფორმაციისათვის წაიკითხეთ რესურსები *Improving Your Vulvovaginal Health* (www.mskcc.org/cancer-care/patient-education/vaginal-health). ამ პროდუქტების მოხმარებამდე, გაესაუბრეთ თქვენს BMT ექიმს.

თქვენი მკურნალობის მიხედვით, თქვენი საკვერცხის ფუნქცია შესაძლოა შეიცვალოს. ამან შეიძლება ესტროგენის დაბალი დონე განაპირობოს.

ტრანსპლანტაციის შემდეგ, თქვენმა ექიმმა შეიძლება გირჩიოთ ესტროგენის დანამატების მიღება.

თუ ამ საკითხთან დაკავშირებით დახმარება გჭირდებათ, თქვენს ექიმს შეუძლია გირჩიოთ ქალთა სექსუალური მედიცინის სპეციალისტი და ქალთა ჯანდაცვის პროგრამა. თქვენ ასევე შეგიძლიათ პირდაპირ დაუკავშირდეთ პროგრამას ნომერზე 646-888-5076.

ინფორმაცია მამაკაცებისთვის

ტრანსპლანტაციის შემდეგ შესაძლოა სექსუალური მოთხოვნილებები შეგიმცირდეთ. ამან შეიძლება გავლენა მოახდინოს თქვენს ურთიერთობაზე. თუმცა, ძალის მატებასთან და თქვენი აქტივობების ზრდასთან ერთად, სექსუალური მოთხოვნილებებიც გაგებრდებათ.

ტრანსპლანტაციის შემდეგ თქვენ ასევე შესაძლოა გქონდეთ ერექციული დისფუნქცია (ED). ED-ს მკურნალობა შესაძლებელია მედიკამენტებით, როგორცაა სილდენაფილ ციტრატი (Viagra®) ან ტადალაფილი (Cialis®). ED-ს მკურნალობისათვის არსებობს კიდევ სხვა მრავალი გზა.

თუ ამ საკითხთან დაკავშირებით დახმარება

გჭირდებათ, თქვენს ექიმს შეუძლია გირჩიოთ მამაკაცთა სექსუალური მედიცინის სპეციალისტი და რეპროდუქციის სამედიცინო პროგრამა. თქვენ ასევე შეგიძლიათ პირდაპირ დაუკავშირდეთ პროგრამას ტელეფონის ნომერზე 646-888-6024.

ალკოჰოლის და თამბაქოს მოხმარება

თქვენი ტრანსპლანტაციის შემდეგ თქვენს ორგანიზმს რეაბილიტაცია სჭირდება. ალკოჰოლმა შეიძლება დააზიანოს თქვენი ღვიძლისა და ძვლის ტვინის აღდგენა. ეს დაზიანება შეიძლება გაუარესდეს თუ თქვენ მოიხმართ მედიკამენტს, რომელიც თქვენს ღვიძლს აზიანებს. არ დალიოთ ალკოჰოლური სასმელი, სანამ თქვენი ექიმი არ გეტყვით რომ ეს უსაფრთხოა.

არასოდეს მოსწიოთ:

- სიგარეტი
- სიგარა
- მარიჰუანა
- სხვა თამბაქოს პროდუქტები

სხვა შემთხვევაში შესაძლოა ფილტვის სერიოზული ინფექცია განგივითარდეთ. ამას ასევე შეუძლია გაზარდოს მეორე სიმსივნის რისკი. თავის დაწებებაში დახმარება თუ გჭირდებათ, დაუკავშირდით MSK

თამბაქოსგან განკურნების პროგრამას ნომერზე 212-610-0507 ან ესტუმრეთ www.mskcc.org/cancer-care/counseling-support/tobacco-treatment.

შემდგომი შემონმებითი ზრუნვა

თქვენი შემონმების ვიზიტები დაიგეგმება თქვენს განერამდე. თქვენი ექიმი გადაწყვეტს, თუ რა სიხშირით გჭირდებათ ეს ვიზიტები. თუ თქვენ თავს კარგად გრძნობთ, შემდგომისთვის მოხდება დაგეგმვა.

MyMSK-ის ანგარიშის შექმნა დაგეხმარებათ შემონმების ვიზიტების ორგანიზებაში. MyMSK წარმოადგენს MSK-ის პაციენტების პორტალს. ეს არის პირადი, პერსონალიზირებული ვებგვერდი, რომელიც შეიცავს ინფორმაციას თქვენი ვიზიტების, ლაბორატორიული შედეგებისა და რადიოლოგიური ტესტების შესახებ, ასევე ადგილია, საიდანაც შეგიძლიათ მოვლის გუნდთან დაკავშირება. MyMSK ანგარიშის შექმნაში დასახმარებლად, იხილეთ ჩვენი ვიდეო *How to Enroll in MyMSK: Memorial Sloan Kettering's Patient Portal* (www.mskcc.org/cancer-care/patient-education/video/how-enroll-mysk-patient-portal).

რა უნდა იქონიოთ თან

შემონმების ვიზიტებზე თან იქონიეთ ყველა იმ მედიკამენტის სია, რომელსაც იღებთ, მათ შორის საფენები და კრემები და თითოეულისათვის

განსაზღვრული დოზები. შეადგინეთ მედიკამენტების სია, რომელიც ხელახლა უნდა შეავსოთ. თუ თქვენს შემონმების ვიზიტამდე რომელიმე მედიკამენტი გითავდებათ, უთხარით თქვენს ექიმს შეხვედრამდე. რეცეპტების გადმოცემა მოხდება MSK-ში თქვენი ვიზიტისას ან თქვენს ადგილობრივ აფთიაქში.

ასევე დაგეხმარებათ თუ თან იქონიებთ შეკითხვების სიას, რომელიც გასული ვიზიტის შემდეგ გაგიჩნდათ.

რას უნდა ელოდოთ

აგიღებენ სისხლის ანალიზს, რათა შეამოწმონ ელექტროლიტების დონე და ღვიძლისა და თირკმელის ფუნქცია. საჭიროების შემთხვევაში, ექიმი გეტყვით თუ როდის უნდა მოხდეს ძვლის ტვინის ასპირაცია.

თქვენ შეიძლება დაგჭირდეთ ინტრავენური (ივ) მკურნალობა, მათ შორის ანტიბიოტიკები და სისხლის გადასხმა. თუ თქვენ ეს დაგჭირდებათ, თქვენი ექიმი ან ექთანი გეტყვით თუ რა სიხშირითა და ხანგრძლივობით დაგჭირდებათ ეს. ეს შეხვედრები როგორც წესი დაიგეგმება იმავე დღეს, როცა შემონმების ვიზიტები გექნებათ.

ვაქცინაცია და იმუნიზაცია

თქვენი ტრანსპლანტაციის შემდეგ, თქვენ კარგავთ ბავშვობაში გაკეთებული ვაქცინაციით დაცვას. ეს ნიშნავს, რომ თქვენი იმუნური სისტემის აღდგენის

შემდეგ განმეორებით დაგჭირდებათ ბავშვობაში ჩატარებული ვაქცინების ხელახალი ვაქცინაცია. როგორც წესი, ეს ხორციელდება თქვენი ტრანსპლანტაციიდან 1 წლის შემდეგ.

თქვენი ტრანსპლანტაციის გუნდი კოორდინირებას გაუწევს თქვენი ვაქცინაციის პროცესს, როდესაც თქვენთვის ეს უსაფრთხო იქნება, ან მოგიწოდებენ ეწვიოთ პრაქტიკოს ექთანს თქვენს იმუნიზაციის კლინიკაში. ვაქცინაცია შესაძლოა მოხდეს MSK-ში ან თქვენმა NP-მ შესაძლოა გადასცეს ძირითადი მოვლის პროვაიდერს რეკომენდებული ვაქცინაციის ჩამონათვალი. ხანდახან ძირითადი მოვლის პროვაიდერისათვის რთულია ვაქცინის მიღება, ასეთ შემთხვევაში თქვენ დაგჭირდებათ მისი MSK-ში მიღება.

სტომატოლოგიური მოვლა

ტრანსპლანტაციის რეაბილიტაციის პერიოდის შემდეგ, თქვენ დაგჭირდებათ რუტინულ შემოწმებებზე ადგილობრივ სტომატოლოგთან ვიზიტი. ფართო სტომატოლოგიური სამუშაოების საჭიროების შემთხვევაში, მკურნალობის დაწყებამდე სთხოვეთ თქვენს ადგილობრივ სტომატოლოგს დაუკავშირდეს MSK-ის სტომატოლოგს ნომერზე 212-639-7644. თქვენი ტრანსპლანტაციის ექიმი გეტყვით, თუ როდის იქნება თქვენთვის უსაფრთხო სტომატოლოგიური მოვლის პროცედურების ჩატარება.

შეატყობინეთ თქვენს ექიმს ან სტომატოლოგს, თუ თქვენ გაქვთ:

- იღებდით ჰამიდრონატის (Aredia®) ან ზოლედრონის მჟავის (Zometa®) მედიკამენტებს
- ყბის შებოჭილობა
- კბილის ტკივილი
- ღრძილების გაუფერულება
- ღრძილების განლევა

თვალის გამოკვლევა

რადიაციული თერაპიის ან სტეროიდების მაღალი დოზით მიღების შემდეგ შესაძლოა კატარაქტა განგივითარდეთ. რომელიმე ამ სიმპტომთაგანის გამოვლენის შემთხვევაში, მიმართეთ თვალის ექიმს.

- ბუნდოვანი, არამკვეთრი, ნისლიანი ან გაუმჭვირვალე ხედვა
- თქვენს მიერ ფერების აღქმის ცვლილება
- ღამით მანქანის მართვის პრობლემები, როგორც არის მომავალი მანქანის ფარებით დაბრმავეების შეგრძნება
- დღის განმავლობაში თვალეში ბრჭყვიალის შეგრძნება
- გაორებული ხედვა

თქვენ შესაძლოა მხოლოდ დაგჭირდეთ მხედველობის სათვალის ან კონტაქტური ლინზის დანიშნულების შეცვლა. თქვენს ოფთალმოლოგს ან თვალის ექიმს აუცილებლად უთხარით თქვენი მკურნალობის შესახებ.

ეცადეთ ტრანსპლანტაციის შემდგომ სულ მცირე 3 თვე მაინც დაელოდოთ სანამ ახალ მხედველობის დანიშნულებას მოგცემენ, ვინაიდან რეაბილიტაციის პროცესში თქვენი მხედველობა შეიძლება შეიცვალოს.

მედიკამენტები, რომელსაც უნდა მოერიდოთ

სანამ თქვენი ექიმი აღნიშნულის ნებას არ დაგრთავთ, არ მიიღოთ ასპირინი, ასპირინის შემცველი მედიკამენტები ან არასტეროიდული ანთების საწინააღმდეგო მედიკამენტები (NSAIDs). ამ მედიკამენტების სიისათვის, წაიკითხეთ შემდეგი წყარო *How To Check if a Medicine or Supplement Has Aspirin, Other NSAIDs, Vitamin E, or Fish Oil* (www.mskcc.org/cancer-care/patient-education/common-medications-containing-aspirin-and-other-nonsteroidal-anti-inflammatory-drugs-nsaids).

წაიკითხეთ ანოტაცია ნებისმიერი რეცეპტული მედიკამენტისათვის, რომლის მიღებასაც აპირებთ, რათა დარწმუნდეთ, რომ ის არ შეიცავს ინგრედიენტებს, რომელსაც უნდა მოერიდოთ. თუ თქვენ არ ხართ დარწმუნებული კონკრეტული

მედიკამენტის უსაფრთხოებაში, დაეკითხეთ თქვენს ტრანსპლანტაციის გუნდს.

არ მიიღოთ მცენარეული დანამატები ან საოჯახო მედიცინის პროდუქტები თქვენს ტრანსპლანტაციის გუნდთან კონსულტაციის გარეშე.

რესურსები

MSK რესურსები

პაციენტისა და მეურვის განათლება

www.mskcc.org/pe

ჩვენი ვირტუალური ბიბლიოთეკისათვის ესტუმრეთ პაციენტისა და მეურვის საგანმანათლებლო ვებგვერდს. იქ თქვენ შეძლებთ იხილოთ წერილობითი საგანმანათლებლო რესურსები, ვიდეოები და ონლაინ პროგრამები.

ქალთან სექსუალური მედიცინისა და ქალთა

ჯანმრთელობის პროგრამა

646-888-5076

დარეკეთ ქალთა სექსუალურ ფუნქციასთან დაკავშირებულ საკითხებზე ინფორმაციისათვის.

მამაკაცების სექსუალური და რეპროდუქციული

მედიცინის პროგრამა

646-888-6024

დარეკეთ მამაკაცის სექსუალურ ფუნქციებთან

დაკავშირებული საკითხების შესახებ ინფორმაციისთვის.

MSK თამბაქოსგან განკურნების პროგრამა

212-610-0507

დარეკეთ ინფორმაციისათვის მოწვევის ან თამბაქოს სხვა პროდუქტებზე თავის დანებებისათვის.

MSK სტომატოლოგიური სერვისები

212-639-7644

დარეკეთ და გაესაუბრეთ MSK-ს სტომატოლოგებს, სანამ ადგილობრივად ჩაიტარებთ ფართო სპექტრის სტომატოლოგიურ მკურნალობას.

გარე რესურსები

MedicAlert აქსესუარები

www.medicalert.org

ესტუმრეთ MedicAlert აქსესუარების, მათ შორის სამაჯურებისა და ყელსაბამების შესახებ ინფორმაციისათვის.

ამერიკის კიბოს საზოგადოება (ACS)

www.cancer.org

800-227-2345 (800-ACS-2345)

ესტუმრეთ მათ ვებგვერდს ზოგადი ინფორმაციისათვის კიბოს შესახებ. თქვენ ასევე შეგიძლიათ დარეკოთ და მოითხოვოთ ბროშურების ბეჭდური ვერსია *სექსი და სიმსივნის მქონე ქალი ან სექსი და სიმსივნის მქონე*

მამაკაცი.

If you have questions or concerns, contact your healthcare provider. A member of your care team will answer Monday through Friday from 9 a.m. to 5 p.m. Outside those hours, you can leave a message or talk with another MSK provider. There is always a doctor or nurse on call. If you're not sure how to reach your healthcare provider, call 212-639-2000.

დამატებითი რესურსებისთვის ეწვიეთ www.mskcc.org/pe ჩვენი ვირტუალური ბიბლიოთეკის მოსაძიებლად.

Returning Home After Your Autologous Stem Cell Transplant - Last updated on July 20, 2023

ყველა უფლება ეკუთვნის და დაცულია Memorial Sloan Kettering Cancer Center-ის მიერ